



Inatsisartunut ilaasortamut Stine Egedemut  
E-mailikkut [inatsisartut@inatsisartut.gl](mailto:inatsisartut@inatsisartut.gl) nassiunneqartoq

**Imigassanik aalakoornartortalinnik tunisassiorneq pillugu § 37 naapertorlugu  
apeqqut nr. 2020/206-imut akissut**

Brevdato: 23-12-2020  
Sags nr. 2020 - 26518

Asasara Stine Egede

Inatsisartut suleriaasianni § 37 naapertorlugu imigassanik aalakoornartortalinnik Kalaallit Nunaanni tunisassiarineqartut pillugit Naalakkersuisunut apeqquteqarputit. Apeqqutitit uannut akisassanngorlugit innersuunneqarput. Apeqqutit tulliuuttuni allaqqinneqarput, akissutillu taakkununga malitsigitinneqarlutik.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: [oed@nanoq.gl](mailto:oed@nanoq.gl)  
[www.naalakkersuisut.gl](http://www.naalakkersuisut.gl)

Apeqqut 6 Akileraartarnermut Aqutsisoqarfimmit Uumasullu Nakorsa qarfiannit avillugu akineqarpoq.

Apeqqutit 7, 10 aamma 11 Uumasut Nakorsa qarfiannit akineqarput, apeqqutillu sinneri Akileraartarnermut Aqutsisoqarfimmit akineqarlutik.

**Apeqqut:**

*1. Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaanni § 3 naapertorlugu, suliffeqarfiit imigassanik akulinnik tunisassiorlut akileraaruserivimmi nalunaarsorsimasuussaapput. Suliffeqarfiit (annerusut inunnillu ataasiakkaanit pigineqartut) qanoq amerlatigisut Kalaallit Nunaanni, illoqarfinni nunaqarfinnilu nalunaarsorsimappat?*

**Apeqqut 1-imut akissut:**

Maanna suliffeqarfiit pingasut imigassanik ethanolimik akulinnik tunisassiornermik ingerlataqarnerat Akileraartarnermut Aqutsisoqarfiup paasissutissiissutigissavaa. Taakku Ilulissani, Nuummi Narsamilu inissisimapput.

**Apeqqut:**

*2. Suliffeqarfiit nalunaarsorsimasut qanoq illoqarfinnut nunaqarfinnullu ataasiakkanut agguataarsimappat?*

**Apeqqut 2-mut akissut:**

Siuliani apeqqut 1-imut akissut innersuussutigineqarpoq.

**Apeqquut:**

*3. Ethanolimut akitsuut qanoq annertugisoq illoqarfinnut nunaqarfinnullu agguarlugu Nunatta Karsianut akilerneqartarpa?*

**Apeqquut 3-mut akissut:**

2019-mi katillugit 4,7 mio. kr.-nik Ilulissanut, Nuummot Narsamullu agguarsimasunik akitsuutinut akiliisoqarnera paasissutissiissutigineqassaaq. Suliffeqarfiit tamarmik immiaaqqanik assigiinngitsunik tunisassiorput, taakkulu ukiut, ukiullu ingerlanerani nikerartuupput. Assersuutigalugu suliffeqarfiit paskemut immiaaqqiamik aamma/imaluunniit juullimut immiaaqqiamik il.il. tunisassiorput.

Akitsuutit nunap immikkoortuinut agguagaanngillat, matumanimi suliffeqarfiit killilimmik amerlassusillit illoqarfinni ikittuniittut pineqarput.

Tassunga ilanngullugu nunatsinni imigassat ethanolimik akulinnik tunisassianut akitsuutit, imigassanit ethanolinik akulinnik eqqussorneqartunit annertoqataanik imigassamik akoqartunit appasinnerunerat ilanngullugu paasissutissiissutigineqassaaq.

**Apeqquut:**

*4. Suliffeqarfiit nalunaarsorsimasut ethanolimut akitsuutinik akiligassaminnik akiliisarnerat akileraaruseriffiup qanoq ililluni nakkutigisarpa?*

**Apeqquut 4-mut akissut:**

Suliffeqarfik immiorfimmik pilersitsinissamik kissaateqaraangat, imigassanik ethanolinik akulinnik tunisassiornermut inaarutaasumik akuersissummik tunniussisoqarnissaa sioqqullugu, piumasaqaatit arlallit malinneqarnissaat qulakkeerneqaaqartarpoq. Taamaalilluni Akileraartarnermut Aqutsisoqarfiup tunisassiornermut akuersissutip siullermeertumik tunniunneqarsimanissaa sioqqullugu, ininut piumasaqaatit, uuttuutinut piumasaqaatit il.il. naammassineqarsimanagerat qulakkeerneqartarpoq.

Tunisassiornermut siullermeertumik peqatigitillugu, imigassanik ethanolinik akulinnik, laboratoriamut arlaannaannulluunniit attuumassuteqanngitsumut ilaatigut imigassamik akuanik siullermeertumik misissugassanik nassiussisoqarnera qulakkeerneqartarpoq.

Suliffeqarfiit qaammatit tamaasa akitsuutinut immersugassiamik, immiaaqqanut assigiinngitsunut akitsuutillu annertussusiaannut agguarneqartumik, qaammammut tunisassiat nalunaarutigineqarfignissaanik suliaqarnissaat tamatuma saniatigut inatsisitigut piumasaqaataavoq. Nalunaarutiginninnerup kingorna qaammatip 15-iani akitsuut kingusinnerpaamik akilerneqartussaavoq. Qaammatikkaartumik nalunaaruteqarnermut atatillugu suliffeqarfiit tankinik ruujorinillu saliinermut atatillugu asiutitanik aamma nalunaaruteqartussaataapput.

100 liiterit sinnerlugit kasiilkkat pineqartillugit, suliffeqarfiit siumoortumik tamatumingga Akileraartarnermut Aqutsisoqarfimmut nalunaassapput, taannalu nakkutilliisussamik innersuussisarpoq. Taassuma kasiilerneqartut eqqortumik suujunnaarsinneqarnerat piffimmi nakkutigisussaavaa.

Tamatuma saniatigut imigassanik akoqassutsimik Akileraartarnermut Aqutsisoqarfimmut nalunaarutigineqartutut innerannik qulakkeerinnittussanik, suliffeqarfiit imigassamik akoqassutsimik uuttuutunik taaneqartunik peqarnissaat pillugu piumasaqaatinik erseqqissorujussuarnik aalajangersagaqarpoq. Suliffeqarfiit taamaalillutik piumaffigineqarnerminni immiaaqqat assigiinngitsut tunisassiamik imigassamik akoqassusianik uuttuinissamut piumaffigineqarsinnaapput.

Ininik piumasaqaatit malinneqarnerat, kiisalu immiaaqqat tunisassiarineqartut Akileraartarnermut Aqutsisoqarfimmut nalunaarutigineqartutullu imigassamik akoqarnerat qulakkeerniarlugu, Akileraartarnermut Aqutsisoqarfik suliffeqarfimmut nakkutilliartorluni takuniaanissamut periarfissaqartuaannarpoq.

Akileraartarnermut Aqutsisoqarfik ingerlaavartumik suliffeqarfimmut ataasiakkaanut nakkutilliartorluni takuniaanissamik isumaginnittuarpoq.

Tamatuma saniatigut Akileraartarnermut Aqutsisoqarfik immiaaqqanik tunisassiarineqartunik, laboratoriamut attuumassuteqanngitsumut nassiunneqartunik, Akileraartarnermut Aqutsisoqarfimmut imigassanik akoqassutsimik nakkutilliisumut nassiunneqartunit, taamungaannaq tigusilluni ingerlaavartumik misissuisarpoq. Tamanna tunisassiorlut namminneq tunisassiaminnik ingerlaavartumik nakkutilliinerannut peqatigitillugu tassungalu attuumannngitsumik pisarpoq.

### **Apeqqut:**

*5. Ukiuni kingullerni akileraaruseriffimmit nakkutilliilluni orninneqarsimannngitsunik suliffeqarfinnik nalunaarsorsimasoqarpa?*

### **Apeqqut 5-imut akissut:**

Naamik. Suliffeqarfiup qaammatikkaartumik tunisassiarineqartut aannertussusianik nalunaarsuineratigut, ingerlaavartumillu akitsuutitut akilersuinermit ataavartumik nakkutilliisoqartarpoq. Tamatuma saniatigut Akileraartarnermut Aqutsisoqarfiup nakkutilliisuutitai akuttunngitsumik suliffeqarfiit akuersissutinik inatsisitigut piumasaqaatigineqartunik pigisaqarnerat pillugu nakkutilliisarput.

Tunisassiorlut ataasiakkaat akuersissutinik sukkulluunniit atuuttunik eqqortunik akuersissutinik pigisaqarnerminnik eqqummaariffiginittorujussuunerat, Akileraartarnermut Aqutsisoqarfiup misilittagaasa ersersippaat. Taamaalilluni suliffeqarfiit taakku ilaasa arlaannaataluunniit akuersissutaanik arsaarinninnissaq suli pisariaqalersimannngilaq.

**Apeqqu:**

6. *Imigassanik aalakoornartulinnik akulinnik tunisassiornissamut akuerineqarnissaq pisariaqarpa? (Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaanni § 4 naapertorlugu ininik akuersinerup saniatigut kiisalu inuussutissanik nioqqutissat pillugit Inatsisartut inatsisaat naapertorlugu imigassanik aalakoornartulinnik tunisassiornissamut akuersissutip saniatigut)*

**Apeqqu 6-imut akissut:**

Akilerartarnermut Aqutsisoqarfiup tunisassiornissamut akuersissutaani tamatigut uumasut nakorsaannit inaarutaasumik akuersissummik pigisaqareennissamik piunasaqaateqarfiusarnerat paasissutissiisutigineqassaaq. Taamaattorli uumasut nakorsaata piunasaqaataasa naammassineqarsimanerisa qulakkeersimanissaat Akilerartarnermut Aqutsisoqarfiup sulissarinngilaa.

Immiorfinni tunisassiornikkut pissutsit sukkulluunniit Nunatta Karsianut eqqortumik akitsuummik akiliinissamik pisinnaalersitsinissaat Akilerartarnermut Aqutsisoqarfiup akisussaaffigivaa.

Inuussutissat pillugit Inatsisartut inatsisaat naapertorlugu imigassat nerisassatut nassuiarneqartutut ilaatinneqarput. Taamaammat Kalaallit Nunaanni nioqqutissiarineqartussanik siunertaqartumik imigassanik tunisassiorniaaraanni, uumasut nakorsaannit akuersissummik pigisaqarnissaq tamatigut piunasaqaataasarpog.

**Apeqqu:**

7. *Apeqqu 6 aappimik akineqarpat:*

- a. *Inatsit suna naapertorlugu akuersissut piunasaqaataava?*
- b. *Akuersissut imigassanut aalakoornartulinnut aalajangersimasunut killilerneqarpa (ass. immiaaqanik tunisassiornissamik akuersissut, vininik tunisassiornissamik akuersissut, imigassanik kimittuunik tunisassiornissamut akuersissut)?*
- c. *Akuersissutit piffissakkut killiligaappat?*

**Apeqqu 7-imut akissut:**

a) Inuussutissat pillugit Inatsisartut inatsisaat nr. 24, 28. november 2019-imeersoq kiisalu Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersoq.

b) Naamik.

c) Nalinginnaasumik akuersissut piffissamik killiligaanngilaq, suliffeqarfiillu akuersissummik tunineqartut tamarmik ingerlaavartumik nakkutilliiartorfigineqartarnissaat siunertaavoq. Nakkutilliiartornermi

suliffeqarfiup angusalunnera akuersissummik utertitsinermik kinguneqarsinnaavoq.

**Apeqqu:**

*8. Atuisunut imigassanik aalakoornartulinnik tuniniaanermi akuersissuteqarnissaq piumasaqaataavoq, tak. Imigassaq pillugu Inatsisartut inatsisaat. Inatsisartut inatsisaanni § 39 naapertorlugu Naalakkersuisut Inatsisartut inatsisaata eqquutsinneqarneranik nakkutilliisuupput. Taamaattoq kommunalbestyrelsi akuersissutitut akuersisartuuvoq. Suliffeqarfiit suut inuinnarnillu ataasiakkaanik pigineqartut suliffeqarfiit suut imigassanik aalakoornartunik akulinnik atuisunut tuniniaasinnaanermut akuersissuteqarnerannik Naalakkersuisut ilisimasaqarpat?*

**Apeqqu 8-mut akissut:**

Aap.

**Apeqqu:**

*9. Apeqqu 8 aappimik akineqarpat: a) Suliffeqarfiit qanoq amerlatigisut imigassanik aalakoornartorlinnik tunisassiornissamut akuersissutaatillit, atuisunut tuniniaanissamut akuersissutinik pigisaqarpat, suliffeqarfiillu taakku qanoq ittuuppat?*

**Apeqqu 9-mut akissut:**

Apeqqu 1-imi akissummi suliffeqarfiit pineqartut tamarmik aamma atuisunut tunisinissamut akuersissummik pigisaqarnerat paasissutissiisutigineqassaaq. Akileraartarnermut Aqutsisoqarfik akuersissutinik aalajangersimasunik nakkutilliisuuvoq. Akuersissutit ataasiakkaat atuunnerat, pissutsillu tunngavissaataitasunut naammassinninnerat, Akileraartarnermut Aqutsisoqarfimmi nakkutilliisut ingerlaavartumik nakkutiguarpaat.

Tamatuma saniatigut Kalaallit Nunaanni suliffeqarfiit 700-t missaanniittut inuussutissanik tunisassiornissamut akuersissummik pigisaqartutut nalunaarsorsimanerat, Kalaallit Nunaani Uumasunut Nakorsaqaqarfiup ilassutigaa. Suliffeqarfiit pingaarnertut ingerlataat aallaavigalugit nalunaarsorneqarmata, qanoq amerlatigisut imigassanik aalakoornartortalinnik tunisassiornerat pillugu erseqqissumik akissuteqartoqarsinnaanngilaq, Uumasummi Nakorsaqaqarfianni nalunaarsuinermi akuerineqarnermilu imigassat aalakoornartortallit imigassallu aalakoornartortaqanngitsut immikkoortinneqarneq ajormata.

**Apeqqu:**

*10. Uumasut nakorsaata suliffeqarfinnik taakkunannga nakkutilliinerani malitassiat suut najoqqutarineqartarpat?*

**Apeqqu 10-mut akissut:**

Uumasut nakorsaata misissuinerani siuliani apeqput 7 a)-mut akissummi inatsisit taaneqartut naapertorlugit inuussutissanik eqqiluitsitsinermut tunngasut kisimik ilaatinneqarput.

**Apeqput:**

*11. Qanga kingullermik illoqarfinni nunaqarfinnilu assigiinngitsuni, suliffeqarfinnik inunnik ataasiakkaanik pigineqartunik tunisassianik siuliani taaneqartunik immiornissamut akuersissummik tunineqarsimasunik, uumasut nakorsaat nakkutilliilluni misissuiva?*

**Apeqput 11-mut akissut:**

2019-imi 2020-milu Kalaallit Nunaani Uumasunik Nakorsaarfik Kalaallit Nunaata kujataani suliffeqarfimmik nakkutilliilluni takuniaavoq, piffissamilu tassani Nuummi suliffeqarfik anginerusoq nakkutilliilluni takuniaavigineqarpoq, tassanilu imigassanik aalakoornartortalinnik tunisassiorneq sulianut ilaavoq. Nakkutilliilluni takuniaanermi taaneqartumi sulianut allanut uppersaasiinerit, tassa neriniartarfimmik ingerlatsinermut qitiutinnneqarput.

**Apeqput:**

*12. Siuliani apeqputitut allanneqartunut tunngatillugu Naalakkersuisut allanik paasissutissiissutissaqarpat?*

**Apeqput 12-mut akissut:**

Naamik.

Inussiarnersumik inuulluaqqusillunga

  
Vittus Qujaukitsog